

Investir en Cuba

Description

Unha das principais novidades do pasado ano en Cuba foi a aprobación dunha nova lei reguladora dos investimentos estranxeiros. A illa caribeña precisa unha transfusión anual de entre 2.000 e 2.500 millóns de dólares para aspirar a un crecemento do PIB do 6 por cento, a meta fixada para lograr o ansiado desenvolvemento. Acadar esas taxas máis dinámicas esixe que os índices de investimento estranxeiro pasen do 12 ao 20 por cento, como mínimo. O país non conta cos aforros suficientes como para destinar a investimentos os 2.000 millóns de dólares adicionais que precisaría cada ano. Esa é a razón última do cambio de enfoque nesta materia.

Unha das principais novidades do pasado ano en Cuba foi a aprobación dunha nova lei reguladora dos investimentos estranxeiros. A illa caribeña precisa unha transfusión anual de entre 2.000 e 2.500 millóns de dólares para aspirar a un crecemento do PIB do 6 por cento, a meta fixada para lograr o ansiado desenvolvemento. Acadar esas taxas máis dinámicas esixe que os índices de investimento estranxeiro pasen do 12 ao 20 por cento, como mínimo. O país non conta cos aforros suficientes como para destinar a investimentos os 2.000 millóns de dólares adicionais que precisaría cada ano. Esa é a razón última do cambio de enfoque nesta materia.

Complementariamente, ese investimento se orientaría á zona económica especial de Mariel, dando prioridade a sectores como as enerxías renovables, a actividade industrial, proxectos loxísticos, industria agroalimentaria e biotecnoloxía e farmacéutica. O sector turístico, a escala de toda a illa, multiplica as posibilidades de negocio. Cabe recordar que tanto a exportación de servizos médicos como o turismo constitúen os dous grandes aportes de divisas ás maltreitas finanzas do estado cubano.

Aínda que o investimento estranxeiro se conceptúa como un complemento, o certo é que se trata dunha necesidade perentoria e non estritamente un aditivo menor. De feito, está chamado a desempeñar un papel prioritario con propostas encamiñadas ao fomento das exportacións, a substitución de importacións, os encadeamentos produtivos e o cambio dos patróns tecnolóxicos. O capital estranxeiro poderá aplicarse á agricultura, infraestrutura, construción ou o níquel. En mans do Estado quedan a saúde, educación e a defensa. A apertura complétase con réximes especiais de tributación, bonificacións fiscais e maiores garantías fronte ás expropiacións.

A ampla ambición da nova normativa e a adopción de regras moito máis claras na nova lexislación a este respecto contrasta co contexto rexional marcado pola desaceleración de entrada de capitais. A intensificación dos vínculos con China, e Asia no seu conxunto, e a retoma do diálogo coa UE abre outras oportunidades asociadas. Sen soberbias, España, e Galicia, sobre todo, pode ter un papel significado.

Esta mudanza debemos inserila no proceso de transformación da economía cubana que ten outras manifestacións importantes en áreas como o fomento do arrendamento de establecementos estatais a privados ou as medidas para poñer fin á dualidade monetaria. Medio millón de cubanos traballan xa fora do sector estatal e case outros 200.000 recibiron terras en usufruto.

Con estas e outras propostas, La Habana tenta reactivar a economía da illa. Pese a todo, persiste o escepticismo respecto ao seu nivel de suficiencia. Neste ano que comeza debiamos encontrar respostas avaliadoras.

APARTADOSTEMATICOXEOGRAFICOS

Latinoamérica

ETIQUETAS

Cuba Investimentos estranxeiros Dualidade monetaria Servizos Médicos Mariel

IDIOMA

Galego

Date Created

Decembro 5, 2014

Meta Fields

Autoria : 3717

Datapublicacion : 2015-01-01 00:00:00